

文苑英華卷第四百七十六

策問四

策問二十八道

中書試進士策問二道

吏部試上書人策問三道

策問明經八道

道舉策問二道

弘文崇文生問一道

禮部策試進士問五道

又明經策問七道

貞元十三年中書試進士問策二道 權德輿

第一問



問先師之言辨君子小人而已勸學則舉六蔽成事則稱九德推其性類又極於是矣孟軻之數聖者有清有和文子之言人位上五下五列夷惠於天縱頗有所疑况牛馬於最靈豈爲至當班固之古今表劉邵之人物志品第乖逆集作或鈞據纖微誠有可觀恐未集作盡善旣強爲已之學必有折析理之精敬俟嘉言以祛未達

### 第二問

問乃者西裔背盟勞師備塞今戎王自斃邊遽以聞而議者或曰因其喪而弔之可以息入或曰乘其虛而伐之可以闢地或曰夷實無厭兵者危事皆所以疲中國也不若如故是三者必有可採思而辨之

### 元和元年吏部試上書人策問三道 前人

#### 第一道

問天下理本繫於朝廷乃者夏州阻命益部干紀皇帝神武制勝指期致誅二方晏清九有貞觀紀律載新於耳目爵命畢集於勳賢內脩八柄外弘九法教理刑政之要制軍詰禁之宜使人皆嚮方兵不復用一其禮俗以致和平酌於古而行於今舉其大而遺其細佇達聰聽子其昌言

#### 第二道

問聖人虛心思天下之理至矣求天下之士勤矣搜於中林縻以好爵者往往至焉君子澡身聚學被褐藏器方伯上薦賁然而來與夫充賦計偕者異而論也其何以佐理

道陳嘉猷去徭戍而徼塞無虞減農征而財用不乏子集作  
固所蘊積悉期指明

### 第三道

問四方之人萃於選部六品以下實繫有司積資者豈盡獲  
吏能考言者或見遺敏行一日之鑒固不能周四方所稽  
亦慮未盡近日旬內達於海隅命官親人利病所屬欲使  
舉皆稱職吏必首集作公則輪轅適宜鰥寡受賜企聞體  
要一二言之

### 策問明經八道

前人

### 左氏傳第一道

問魯史之文先師用明於王道漢武之代左氏不列於學

官誠義例之可觀集作終誣艷而多失鳳凰啓兆陳氏不

得不昌鸛鶴成謠季氏不得不叛既未然於前定於立教

而謂何同耻釋經豈其如是夏五之闕雖繫月而何嫌良

八之占於兼山為何象因生因謚未詳命氏之殊德命類

命請數制名之義集作生既充賦無辭說經

### 禮記第二道

五經明經弘文崇文生同

問冠婚成人著代之義一獻之饗舅姑先降以奠酬三加

彌尊母兄皆拜而為禮責婦順而則可於子道而謂何一

與之齊終身不改而夷狄有問服二姓之合為重而孔門

多出妻蹈白刃或易於中庸引重鼎奚列於儒行揚裘襲

裘之制繼別繼禰之差生既講聞佇觀精辨

周禮第三道

問周制六官以倡九牧分事任之廣計名物之多下士吏胥類頗繁於冗食上農播殖力或屈於財征簡則易從寡能理衆疑宋毋之失實豈周公之信然今欲舉司徒之三物教賓興之六藝又慮樂舞未通於韶濩徒玩干旄鄉射有昧於和容務持弓矢適廢術學豈資賢能至若六變八變致神柢之格天產地產有禮樂之防忝貳春官企聞詳說

周易第四道

問作易者其有憂患乎又曰樂天知命故不憂鼓天下之動者存乎辭又曰吉人之辭寡寂然不動則感而遂通見之而作乃不俟終日豈各有所趣幸備言其方至若巽之於人為廣頰白眼坎之於馬為美脊薄蹄誠曲成以彌綸何取象之鎖細佇聞體要然後忘言

尚書第五道

五經明經同

問堯之文思也命羲和四嶽敬授人時其道巍巍矣舜之益庸也則流放竄殛考績黜陟熙帝載而亮天工者二十有二人其理昭昭矣至禹則別九州導九河分五服建五長辛壬癸甲荒度土功其勤云云矣夫以陶唐虞夏皆聖人也而勞逸斯殊豈時不得不然復道有所不及何事功玄德煩簡相去之遠耶願聞其說

毛詩第六道

五經明經同

問三綱之道有君臣焉有父子焉周南召南以風化于天下關雎鵲巢乃首於夫婦舉后妃曷若先天子美夫人曷若稱諸侯豈自邇而及遐將舉細而明大又太師所採孔聖所刪以時則齊襄先於衛頃以地則魏土褊於晉境未詳差次何所後先一言雖蔽於無罪六義乃先於譎諫既歌乃必類何失之於愚理或出於鄭箋言無憚於匡說

穀梁傳第七道

問褒貶之書宣父約於史氏清婉之傳卜商授於門人經有體元且無訓說日稱夜食頗近迂異微禿眇之脩聘聚綦輒之方言晉大夫奚侯於偕行衛公子豈名其天疾隱居攝以崇讓鄭討叛以滅親未日申刑寧為積慮邠氏

氏學既不傳集作尸子沈子復為何者鄒夫未達有竹書

言

論語第八道

明經弘文崇文生同

問子曰君子無終食之間違仁又曰仁遠乎哉則子文之忠文子之清由也之果求也之藝晉曰不知其仁豈盡非君子耶胡為乎登夫子之門而稱齊楚之賢大夫也其愚如愚甯武與顏生孰愈三思三省季文子與魯子孰優虞仲隱居以放言下惠辱身以降志頗殊取捨皆曰逸賢探索精微當有師說

道舉策問二道

前人

南華經第一道

問安時處順泊然懸解至人之心也故曰材全而德不形  
又曰休影息迹與夫五漿先饋履滿戶外者固不作矣然  
則以紀消之養鷄狗僕之承蜩匠石之運斤梓慶之削鐻  
用志不分移於教化則萬物之相刃相靡者悠然而順聞  
然而和奚在於與無趾無眼之徒支離形德然後為德耶  
願聞其說

通玄經第二道

問文子玄虛師其言於老氏計然富利得其術者朱公疑  
傳記之或差何本末之相遠人分五位智辨居忠信之前  
體包五藏耳日乖肺肝之中皆何故耶當有其說至於積  
德積怨實昧其圖上義下仁願聆其旨大辨若訥大道甚  
廣豈在顛之倒之使學者泥而不通也

弘文崇文生問一道

前人

問鄉賦國庠已有定制又闢兩館以延諸生蓋砥礪貴游  
而進之於學也二三子江夏童年頗聞岐嶷舞雩春服皆  
已鮮明雖異賓興亦稱講業於經書所好何句於古哲所  
慕何人兼陳從政之方用辨保家之美

貞元二十一年禮部策問五道

前人

第一道

問古之善為政者在得人而已在求理而已周以功德詔  
爵祿秦以農戰居職員漢武帝詔察茂異可以為將相者  
夫功與德非常才所及也農與戰非筮仕所宜也安危注

意之重非設科可俟也是三者固有利病幸錯綜言之又三適之宜九品之法或計戶以貢士或限年以入官事有可行法有可採制度當否悉期指明

第二道

問夏殷周之政忠敬文之道承弊以救始終循環而上自五帝不言三統豈備有其政或史失其傳嬴劉而下教化所尚歷代相變其事如何豈風俗漸靡不登於古復救之道有所未至耶國家化光三代首冠百王固以忠厚勝茲文弊前代損益佇聞討論遽數之中所希體要也

第三道

問古者士足以理官業工足以備器用商足以通貨賄而農者居多所以務三時之功有九年之蓄用阜其業實藏於人乃者惰游相因頗復去本今皇帝勵精至化在宥萬方德音聖澤際天接地凡弘於理道者無不至也權倍於濟人者無不被也而又詢吏祿公田之制稽財征權筦之宜使羣有司質政損益庶官匹士皆得上言衆君子躬先師之儒生盛聖之代佇茲嘉話當薦所聞

第四道

問昔伊尹酒保傳說胥靡竟昌殷道以阜王業春秋時觀丁父彭仲爽申卻之俘也克州蓼朝陳蔡楚邦賴之漢廷韓安國徒中拜二千石張釋之以貴為郎並稱名臣焯叙前史然則俘徒作役或財用自發前代取之而得人如是

魏晉已降流品漸分筮仕之初率先文學或薦賢推擇皆  
秀發州閭而致理之風頗未及集作反古豈朴散寢久或求  
之大精其故何也集作斯常有所憤集作常今四門大闢  
百度惟貞執事者固欲上副聰明悉搜才實幸酌古道指  
陳所宜

### 第五道

問言身之文也又曰灼於中必文於外司馬相如楊雄籍  
甚漢廷其文盛矣或奏琴心而滌器或贊符命以投閣其  
於溺情敗度又奚俟集作事於文章耶至若孔融禰衡夸傲  
於代禍不旋踵何可勝言兩漢亦有質朴敦厚之科廉直  
孝順之舉皆本於行而遺其文復何如哉為辨其說

### 明經策問第七道

前人

### 左氏傳問一道

問春秋者以仲尼明周公之志而脩經丘明受仲尼之經  
而為傳元凱悅丘明之傳而為注然則夫子感獲麟之無  
應因絕筆以寄詞作為褒貶使有勸懼是則聖人無位者  
之為政也其於筆削義例豈皆用周法耶左氏有無經之  
傳杜氏又錯傳分經誠多艷富慮失根本既學於是頗嘗  
思乎

### 禮記第二道

問大學有明德之道中庸有盡性之術闕里弘教微言在  
茲聖而無位不敢作禮樂時當有開所以先氣志然則得



甫申之佐猶曰降神處定哀之時亦嘗問政致知自當乎  
格物憂莫奚歎集作難非於宗予必若待文王之無憂遭虞帝  
之大德然後疑道孰為致君爾其深惟以判其集作斯惑

周易第三道

問潔淨精微研幾通變伏羲重其象文王演其辭設位盡  
通於三極脩德豈惟於九卦何思何慮既宜以同歸先甲  
先庚乃詳於出令儉德避難頗殊蹇蹇之風趨時貴近方  
異謙謙之吉窮理盡性之奧入神致用之精乾元用九之  
則大衍虛一之數成性有存存之道知幾窮至至之不此

所講聞試陳要集作崔略

尚書第四道

問洪範之美大同也曰子孫其逢吉數五福也曰考終命  
皆其極致也至若允恭克讓而生丹朱方命圯族乃產神  
禹何吉凶之相戾也金縢請命方秉珪以植璧元龜習吉  
乃啓鑰而見書豈賦命之可移也絕地天通未詳厥理血  
流漂杵何乃溢言待問而來幸集作宜陳師說

毛詩第五道

問風化天下形於詠歌辨理代英華作治世非之音厚人倫之道  
邶鄘褊小尚列于篇楚宋奧區豈無其什變風雅者起於  
何代動天地者本自何詩南陔白華亡其辭而不獲谷風  
黃鳥同其目而不刊舉毛鄭之異同辨齊魯之傳授一有正字  
墻面而立既非其徒解一有人字頤之言斯有所望

穀梁傳第六道

問穀梁名經興於魯學劉向博習稱於漢朝或貶絕過深或象類無據非立異姓乃以莒滅成文同乎他人豈謂齊侯之子異類端頗甚後學難從諱親諱賢當舉其例耳理目理幸數其言何詞所謂近於情何義所謂失於短凡厥師授為予明之

論語第七道

問夫子以天縱之聖畏匡厄陳伯山合神明故集作又於丘禱將行埋道奚矢於天厭對社稷之間宰我強通歎山梁之時仲由未達季氏旅岱冉求莫救皆見稱於達者或繞比於具臣嘗肄善言顧多滯義末卷載游夏之事終篇記舜禹之詞頗疑不倫可以敷衍

校正五十字是夕都人於北海闡福寺誦經追薦黃河災

民死亡者放舟湖心鏡鉢競作余亦藉此蕩滌常月後復

文苑英華卷第四百七十六島一周而歸十五夜汰林記

文苑英華卷第四百七十七

策一

文苑

詞標文苑策三道

玄經

洞曉玄經策一道

詞標文苑策科

永昌元年

第一道

問朕聞立極開基之主經文緯武之君莫不象法

集作殊法象

流汚隆異制至於安人導俗咸即運以垂芳緝化宣風各

因時而播美是以道孚繩木爰膺九翼之年圖秘龜龍用

啓六爻之代窮桑御曆押

集作押

威鳳以分

集作踐

司軒后

集作

左列位因景雲而命職徵汾陽之跡則十政方凝俯河濱  
之化則四門攸闢祥披玉斗理九土以興功祚從金精調  
五聲而作教周崇六禮仁義之道為先漢設三章王霸之  
圖斯雜皆所以牢籠八際彙括三靈齊四大以居等叶五  
神而稱正且隨時之義既不相沿師古之言又聞前誥朕  
欽承先聖顧集作對越上玄當守與懷鎮真切推溝之慮凝梳  
結想方深馭朽之情思所以式展宏猷勉康庶績而撫茲  
薄德昧此永圖爾等積學多聞含章獨秀未顯時庸之德  
宜申待扣之音適時之務何先經國之圖何取集作最帝皇  
之道奚是王霸之理奚非佇聽良謨朕將親覽

對策

張說

對臣聞舜命昌言漢徵極諫嘗覽千古賢哉二君今陛下  
發德音下明制集作詔選空巖穴訪匪輿臺大哉邈乎過之  
遠矣臣以草莽集作茅之賤謬當集作委車乘之招誠不足以  
庶幾王庭充塞大問集作允塞天闕非伏讀聖旨乃知天情之所  
在集作存焉臣聞昔者鳥跡代繩龜集作龍文演卦水土遷王  
時更萬祀金木互興人非一姓集作姓非暨乎三皇五帝氏往  
夏商集作殷周漢氏作或導人以禮樂或驅俗以政刑或革  
集作救弊以忠敬或沿風以文武非師古之誥有殊蓋隨時  
之義且異集作異也伏惟聖母神皇陛下誕受鴻基光膺駿命  
若曰集作粵若立極格天之業論道布政之典任賢克暴之功  
出洛飛雲之瑞此並藏緯玉冊勒休金版鬱映於前古揚

光於後葉者矣至於集作創業垂統之則宏猷永圖之義

集作重光三聖載集作清六合可不謂然乎猶或惕慮推

清勞謙馭朽謝文明於薄德想疇庸於清集作問此陛下

之至讓也愚臣何足以知之策曰適時之務何先經國之

圖何取集作臣聞古者因人以立法乘時以設教以義制

事以禮制心夫人者理得則氣和業安則心固崇讓則不

競知耻則遠刑若強人之所不能雖令不集作勸禁人之

所必犯雖罰且違故曰政不欲煩煩則數數則政無定集

煩則數數人懷苟免之心網不欲密密則巧巧則文多傷

數政無定下有非辜之懼竊見今之俗吏或匪正人以

刻為明以苛為察以剝下為利以附上為誠綜覈之詞集

司考課專於刀筆撫字之宰職務與於簿書陛下日

晏雖勤守宰風化多闕臣以為將行美政必先擇人失政

謂之虐人失人謂之傷政捨人為政雖勤何為伏願陛下

進經術之士退掎克集作之吏崇簡易之化流愷恻之風

畫一成歌此適時之務也慎賢而用此經國之圖也苟能

英才不棄大化方隆而猶曰朝謝垂衣野非擊壤則文武

之道尚何言哉堯舜之君徒虛語耳策曰帝皇之道奚是

王霸之理奚非者布在方冊臣聞之矣聖集作人御曆上

淳而下信帝者應集作期君明而臣哲周用王道教化一

而人從漢雜霸道集作刑政嚴而俗偽故親譽優於畏侮

文景劣於成康謹對

朱

第二道

問朕禮崇三典方弘慎罰之規書著五刑不以深文為義  
 朕母武后也臨赤縣子育黔黎夏日貽憂懼青牛之結氣秋  
 荼軫念慮丹筆之成寃然以人尚掛於湯羅情倍深於禹  
 泣頃者荆郊起侵淮甸興集作祆朕惟罪彼元凶餘黨並  
 從寬宥今敬徐敬業弟真徐敬業弟之輩猶蘊狼心不荷再生之恩重構  
 三藩之逆還嬰巨釁便犯嚴科豈止殺之方乖於拆衷將  
 小慈之澤爽彼大猷子大夫等學富三冬才高十室刑政  
 之要寔所明閑傾此虛襟佇聞良說

對策

前人

對臣聞刑以助教德以閑邪先王慎於好生大易誠於  
 死今陛下母集作臨黔首子育蒼生子祐下人克配上帝  
 然有東南小侵荆蠻遠郊雖聖德泣辜尚用防風之戮天  
 心罪已仍勞淮甸之師集作其有註誤閭閻脅從井邑陛  
 下愍孤孀於海淮恤困窮於江漢捨從寬宥此陛下之恩  
 也而蕞爾餘孽蠢茲頑克思弄兵於漢地漢地之下將構集作孽  
 難於戎狄之域罪盈稔貫禍得萌芽此又陛下之明也今  
 陛下乃賜臣策曰豈止殺之方乖於拆衷將小慈之澤爽  
 彼大猷臣實見拆衷大猷之規不知小乖微爽之義也策  
 曰刑政之要實所明閑臣聞政同集作水火刑譬陰陽頃  
 者三監亂常有司既糾之以猛于今四罪咸服陛下宜濟  
 之以寬明肆赦之渥恩安萬人之反側布深仁於羅鳥收

至察於泉魚豈不大哉天下幸甚且夫人者眚也暗而不  
可罔庶者眾也愚而不可欺是以集作刑在必澄不在必  
慘政在必信不在必苛故明王之理天下也刑一則人畏  
而不干政簡則俗齊而不僞於是禍亂不作災害不生君  
安於上臣一作悅於下百姓日用集備不知其然四海之  
內風行六字集作惟帝之則道暢鍾石聲流舞詠其行已  
也非他所理者以此刑政之要庶幾一隅謹對

第三道

問朕聞仰觀乾象房心為布政之宮俯察坤元河洛建前  
作受圖之所是以上稽珠緯得風雨之和下表圭躔集作  
均遠近之節定都考室集作焉是崇顧以膺虛謬集作膺大

寶乾乾夕惕每軫納隍之懷栗栗集作宵興恒勞馭朽之

念而昊穹眷命靈既屢彰雲構既隆天城斯畢是用內省

多愧上答愈集作勤將欲殷薦有常嚴配不墜光啓惟新

之躅申明祀典之方順四時以布和風考五物以作集作

正氣盛禮之要猶慮未弘爾等並積學基身含章表質或

遠從賓薦集作聲蒲於州閭或遐應搜揚粵光於朝選採

皇王之集作與一作周漢之前蹤集作彼曾襟咸應備

曉未知何代之政集作適中何禮之規施用為切前

當務從必簡之道式前篇崇可久之基陳彼集作嘉謀爾

其揚擢思擢太常之第副朕求賢之懷集作

此篇問目又載四百七十三卷前已削去

對策

前人

對伏惟陛下則天法地畏命重人據河洛之規模總風雨  
 之交會軒后魚圖之水建邦設都周公龜墨之地考堂作  
 室靈祗降福嘉祥薦祉制同神造力以子來時集作將以殷  
 薦上帝至德也嚴配先王至孝也加以八風攸序四時克  
 諧無得而稱能事畢矣猶復執勞謙之不已懼盛禮之未  
 弘訪末學之臣詢稽古之政斯事體大臣何足言然而敢  
 不欽承以竭涓滴耳策曰何代之政參詳適中何禮之規  
 施用為切臣謹錯綜三五明徵典墳集作謨竊以緯武經文  
 布方策而非遠英風顯號流頌聲而可襲未有友義背德  
 而至昇平之政棄古集作禮違經以克永終之祿莫不承統

施令集作德惠法乾坤而集作之動靜執契懸衡順金木之刑德

集作政是故青陽玄室遵季孟而觀風白輅朱旗乘集作因離

兌而布政養老用上庠之禮教胄取太學之義環水著辟

雍之名嚮陽表明堂之位蓋所以享羣瑞朝諸侯班正集作

朝朔調景緯成簡易之業集作基崇久大之基集作業也皇王

與旨庶此詳探周漢前蹤固難守集作專用臣才智驚劣草

莽艱生至如軍國務廣政刑理急但至敬無文信言不美

陛下欲聽其說必觀於事將逆集作違其謀先求諸道危言

抵禁破膽寒心伏惟聖主稽集作稍留天聽謹對

洞曉玄經策天寶末

問大象無體玄功陰陽雖稟生之類萬殊而含道之原一



致是以至人垂訓將以利物演為真宗貽厥後學包括六  
藝周流八表或因事以立言或寓言以集作而詮意至如交

樂於天交食於地不相與為事不期集作與為謀善無所

私惡無所棄施之於教何以集作所勸勉經曰不爭善勝不

言善應正直如繩平易如水常務斯道何集作曷往不臻又

曰善建不拔善抱不脫子孫以祭祀不輟斯言信矣昔放

勛欽明光宅天下人歌擊壤政叶雍熙可謂善乎建抱善

集作免乎拔脫宜其帝緒集作蕃遠貽厥孫謀綿綿瓜瓞集作邁

德垂裕何丹朱之不嗣而祭祀輟乎又天無二日民無二

王若以天下觀天下豈有二君乎夫君為元首臣為股肱

君無賢臣誰與共理粵昔舜舉八元致垂拱之化漢用三

傑成霸王之業夏殷之末任佞去集作賢宗社淪亡為無

匡輔經稱不尚賢者其旨何也集作聖人立教專氣致柔

故刑不欲勞集作往不欲竭深根固蒂可以常存則有朝穆肆

任集作肆集作非集作勞逸過度促齡損性却集作都集作以為然又有惟

靜惟清守貞守朴二經之說何取則焉又聞善攝生者動

與吉會武不措爪兵難容刃單豹品居水飲身代俱損壽

求色孺不免噬搏何衛生之不異而利害之頓殊予既洞

曉玄經探微索隱矛盾若此何以會明側席虚心佇聞啓

沃

對策

獨孤及

對臣聞道之為物無名無形蓋聖人酌而用之推而弘之

取其精以脩身用其麤以頓集作物從本降跡散朴為器

於是可有可道之道忘言之言其大畧雖以冲寂為宗虛極

為體然妙用無朕故不可致詰今陛下詰其體探其宗豈

不欲因言演教其集作教遺有夫長風吹而衆竅號則大

無不動細無不應况陛下用為大道作大道為非以鼓羣有臣

則吹萬之一音也敢不唱於衆竅之末臣謹按天有施地

有利用天之施以處其和謂之交樂分地之利以養其正

謂之交食夫相與生於有為有為生於有事有事則謀名

存矣善惡生於公私公私生於用用則棄名立矣然聖人

有為不為焉有事無事焉有謀不謀焉有善無善焉有惡

無惡焉民善惡於一致合同異於公萬殊則妙門可存教父

斯立一作臣又按道德經云天周恢恢疎而不失常有司

殺者殺之此不爭善勝之應也文宣王稱天何言哉四時

行焉百物生焉此不言善應之驗也周書云無偏無黨王

道蕩蕩此正直如繩之效也經又云居善地心善泉英華

非與善仁集作言善信英華於此平易如水之證也陛下

坦集作其言挹其道以為天下式三集作十有二載矣且

復推功外名不有不恃考言詢事若冲若缺詔臣等曰常

務斯道曷往不臻臣輒生也焉知其辨雖然有一於此願

陛下守而勿失與神為一使神不遠於人人不遠於天天

人合并集作如影響交應則甚夷之道焉往而不臻夫有

國者必善建皇極善抱至道道之不存傾其宗遷其社之

...

謂拔桀放集作奔南巢受死牧野是也極之不建失其器亡

一作喪其國之謂脫太康去洛汭幽王敗驪山厲王流彘是

也至如堯知天曆在躬故以至公官天下天下戴之而不

辭知丹朱不肖又以至公禪天下天下去之而不怨可謂

邁德矣其後裔更霸迭王重之以御龍唐杜社之代祿可謂

垂裕矣陛下興廢繼絕立五帝祠即集作節春秋備其祭典

亦可謂祭祀不輟矣方之拔脫臣謂不同經曰不尚賢使

民不爭大哉聖人之知微知彰乎夫尚賢者國家之所當

先然古先聖人曰二字集作王雖求賢審官其用未始不無為

也而聖人能無為於求賢不能使無為無迹存則有為者

尚之以為利於是有飾智以驚愚脩身以明汙其漸起於

一時之名其弊存乎千載之後不尚賢者非謂廢股肱之

任絕臣輔之力也蓋欲因時致功功成則遺集作遣而遺之

因義立事事遂則有而無之無之則跡滅跡滅則爭息爭

息則於為無為於事無事雖八元以翼唐彌虞三傑之戲

秦滅項六無為無事一也若夫齊天地冥萬物莫大於全

真專氣致柔全真之本也惟清惟靜全真之中也各然其

所然各可其所可全真之末也設教者三合其道一以貫

之雖逍遙與道尊養殊途然性靜與力命同轍苟因其命集作

合而較其分則子產不得不勞於刑政朝穆不得不逸於

肆任若矯其肆任之性以徇刑政之端是續鳧截鶴虧其

全矣故聖人以大猷御六氣之辨以大方合二經之旨明

應變無方立言不一學者宜忘言以究其體統不可執言以滯其集作於筌蹄經不云乎返老好者道之動惟動而常靜靜可以取則權足以合義義無反經凡養生者以本為精以物為窟閉其外慎其內迹不踐凶危之境故兵不能容其刃心不居馮恭之地故武安得措其瓜苟守其精而遺其麤故得於內而喪集作於其外外內無以持其分則衛生之經悖矣謂之不異臣竊異之至如希微大體微妙玄鍵陛下得黃帝之遺珠久矣雖廣成無所陳其至精傳說無所用其舟楫啓沃之間豈臣及之有黠睿謀懼殞越于下謹對

文苑英華卷第四百七十七 校正四十九字 問月十六日

文苑英華卷第四百七十八 策二

將相

道侔伊呂策三道

智合孫吳可以運籌決勝策二道

道侔伊呂策三道

第一道

張九齡

對嗣魯王道堅所舉道侔伊呂科徵仕郎行秘書省校書郎張九齡伏覽睿問大哉國體九品流弊嘗所憐焉幸因對揚庶言其可古者諸侯貢士司徒論士必講禮觀能鄉舉里選故十五十八之歲大學小學之節誦習以時教化以禮則孝悌之行可知於鄉里政事之業可昇於國朝先

王務教此其大者及周既衰斯文將喪秦氏滅學唯力是

視仁義大壞俊造亦亡漢高以馬上非理復修三代之事

魏武以軍中是務權立九品之儀後代因循莫能改作紛

紛橫調滄滄皆是天下公器可謂傷心伏惟殿集作下以

泰弊不遂極乃屏之以新滌瑕蕩穢今其時也伏願圖之

夫正其本者萬事理勞於求者逸於用豈有大明御寓慮

此假權之人循良擇人安得謝恩之義是則外臺會府真

若漏於網集作中濟理適時復何殊於掌上者也且有備

無患忘戰必危是以振旅菱舍之儀羽林攸飛之衛漢家

徵選咸出五陵周制供王不踰千里此以均其遠近會其

中正王者之制豈虛乎哉必開井賦於要服俾東益於畿

甸雖經始之規何施不可而圖遠之業猶願勿違且將振

九品之類綱維百姓五之絕組使官有位次賢集作有等才

苟不侔時所勿取使夫能者代上帝之理議者息高門之

談吏精其心人享其利流逋不日而來復耕桑何憂乎不

稔動之斯應綏之斯來若唯作法於末途非救弊之本意

盛德大業孰與歸乎九齡怖慄塵埃棲棲非得言之地慷

慨禾莠拳拳因獻策之時何敢望焉盡心而已謹對

策二道

前人

對王道務德不來不強臣霸道尚功不伏不偃甲由集無

此勞逸異數得失可明故曰務廣德者昌務廣地者亡是

則漢武事胡豈比重華之干羽秦皇戍越豈比集作公劉

之橐兵集作雖古人有言集作引之者有同於秦漢而王

者大化行之者必本於唐虞不亦然乎此其開基之大者

也國家因已有之地廣無私之仁大戎即叙肅慎入貢若

力不能救豈惟桓公之耻征在其蘇是必成湯之怨然而

春秋所貴惟義所在內諸夏而外夷然此明中國恐弊不

興異域之功下人苟安何惜救兵之舉則知弔伐之義隨

時之道也頗至集作荆弊抑非其時至如守塞則侯應之

言為得斥地則蒙恬之弊可知前事昭昭足為明戒者也

必欲繫單于之頸裂匈奴之肩奚嘗肯恩受制於北虜小

人發憤請議於東征謹對

第三道

前人

對伏惟陛下德盛問安教存齒學則孝悌之感元良之旨

詠子矜之詩義形乎辭真吾君之子也天下幸甚伏以化

憑於勢聲若順風之遠或因於時德甚置郵之速則何草

不偃何心不應而曰未能動俗殿下之至謙也尚何術之

務而舍此乎今又降意微言微諸墜典至如皇帝斷木蓋

取諸意文王演卦乃言其象雖成象之時不同而得意之

言一也周公制禮夏正得天縱損益可知而因循不改去

聖既遠禮經殘缺遺文苟存羣儒紛揉故喪服異制諸家

殊執集作故王肅之旨約情以斷鄭玄之言引經取決呂

氏因封侯之餘裕採禮官之舊儀故戴聖採十二紀之首

文苑英華 卷一百四十五  
為十二月令存周禮之典其故匪他仲尼以尊魯而取美於頌穆公以尊周而見序於書左氏以豔富稱誣穀梁以文清為婉范甯序事其義則詳樂書因秦而遂亡空有河間之制夾氏在傳而不見唯餘班固之說謹對

知合孫吳可以運籌決勝策

問朕聞武以保大定功刑以禁邪止殺軒轅三皇之聖莫能去兵陶唐五帝之聰時猶振旅故知體國經野宜有吊伐居安慮危可無預備朕纂承丕業虔守大寶因祖宗之既康恐文武之將墜兢兢戒慎翼翼憂勤而德教誕敷烽燧尚警三邊每勞於征伐百姓不歌於耕鑿言念于役深軫於懷所以日旰忘食中宵輟寐思謀臣以制敵折衝於

樽俎索名將以守邊降伏其戎寇行何法也得致斯人哉予等藏器待時呈才應命盡陳古今之事備詳攻守之策至時賢著述往彥勲庸兵法有五十三家宜分其四種漢臣有二十八將自比夫幾人景畧可逮於孔明張遼得齊於關羽斛律光賀若弼近代之用誰優我李勣與李靖先朝之光誰最又邛南一方之地磧西萬里之域將棄之以促境寧守之以勞人鎮涪州至於流沙軍隴坂至於積石險阻要害予疑汝明秦中歲役於防水若為釐革代北年疲於禦塞奚所變通薊門屯田何術以休其弊柳城梗澁何籌以繫其虜凡此邊廷今為重鎮何經何見何履何歷若兵不獲已用何奇謀貞我師旅使有征無戰必文可來

文苑英華 卷一百一十五  
之施何異政柔彼夷狄使懷惠畏威咸述爾能直諫其事  
當有昇壇之拜佇伸推轂之寵

對策

楊若虛

對臣沐清化忝紆黃綬屬陛下聽鼓鼙之音載懷將率卹  
邊鄙之聳思輯軍容臣竊歎三隅未寧爲日久矣不以庸  
菲謬膺推薦恭承大問俯踏玉陛咫尺天休以抒情素臣  
聞古先哲王鮮不征伐禁暴止亂咸以爲人思患預防實  
爲善政伏惟陛下允恭克讓虞守四表俊乂咸理以孚于  
人猶恤彼勤勞求茲政道實天下幸甚臣聞事適於務則  
理有成法宜於時則功可建是以廣采輿誦詢於芻言不  
以人廢言不以欲違衆故計濟事立利倍功大完軍保勝

道泰人安雖三邊未清而百姓不弊臣聞或多難以啓其  
疆土或無難以喪其守宇天其啓此邊難以警陛下勤於  
政理以致和平因定荒亂之宜以爲子孫之業也不然者  
豈聖明之時屢有斯寇今若以明視遠以聰聽德欽崇天  
意允釐庶績制以官刑儆于有位愛敬立於親長始終協  
於家邦崇禮以致賢脩德以來遠言合于道雖賤必行議  
乖於政雖貴必罰謀得其要必申瓜衍之賞刑當其理不  
貽戮僕之愆則在庭之官足以致化臣聞燕昭立館以報  
強讐越踐自勤竟雪深耻景畧用而秦道霸孔明起而蜀  
業成豈明明之朝不如區區之國其珠玉無足愛之必至  
賢良思用求之必來惟陛下知與不知用與不用苟得其



任何憂制敵降戎而已哉必資聽之不濫擇之無失審甄其操履明試以言謀之以八徵求之以五聽稟直進於晏子韓信用自蕭何是以君人勞於求才逸於任使舍人求勝臣以為難臣聞自古用兵成敗相半賢者得其大愚者得其小莫不同用於法焉至於戰勝攻取無出三事類文校義分為四種記之金策且於玉韜漢臣以之撥亂輔時上應列宿振威耀武咸得其才以臣之愚何以堪此然守終持蒲竊仰鄧禹之能勅敵神謀頗懷馮異之畧至隱若敵國思其奉上之故亦採於一善未致其全若景畧比於孔明功當術淺張遼比於關羽壯劣情優斛律光著破虜之功賀若弼有平陳之績論其攻戰則可齊肩語其才雄

此或先駕彼亡隋之任士內用寵戚外階朋黨忠言死於逆耳國命出於讒言政以賄賂功以財成鴈門之圍兵士以微而不賞浪河之敗許公以親而不誅天下分崩人受塗炭是以李勣與李靖為國家用因隋亡之臣致有周之業靖則克勝其任匈奴於是破亡勣則能達其謀高麗以之終滅謀功比事勣可同年以功取人靖以居上臣聞惇德允元柔遠能邇王者無外守在四夷張綱棄兵竟和南國充國不戰亦定西夷若李牧以居邊魏尚而為牧遠和邇鎮固障持邊遠和則不勞邇鎮則居逸是謂釋遠謀近逸而有終然後明其伍候守其交禮謹其走集誠以不虞足以輯和士庶羈縻夷狄何必棄南邛之戎捨磧西之地

隋先朝之業致將來之誚焉蹙國挫威臣所不取臣又聞  
華夏者國之心腹邊陲者國之支體若心腹充盈則支體  
無害古既守之不損今禦之而何失古以之足今以之虛  
非古今有殊理實授非其任然東自榆林西至蒲海限之  
以亭塞隔之以山河啓玉關金微之險有臨洮墨鷄之阨  
飛狐白石爰在并汾木狹土門出於幽薊李靖距頡利於  
峽口終絕南侵李傑敗王師於榆關遂貽東難險阻不異  
成敗乃殊以是言之非才莫可今若漸收塞上之士申晁  
錯之謀安輯雲中之人曉嚴尤之術保以邑落守以城池  
求賢良以爲守習農桑以爲教敵至則收其積聚使野無  
所遺賊去則伺其虛危使兵不失利則秦川歲減於冬戍

代北不懼於秋犯臣見薊門屯田防軍寇之乘攻守餘暇  
務耕耘之積省兩河之粟資三軍之費但使役之無擾何  
憂兵以致弊軍旣未息此安可停臣聞取亂侮亡書之明  
義固險而守國之恒政若柳城之寇不虐於邊人鴻臚之  
賓未絕於來使則養士卒以待其衰也必若虐暴邊隅須  
申致寇之畧如其毒痛於下方興問罪之師任之以智能  
申之以謀策明賞必罰教人以信山林水澤之陣識以權  
宜父子兄弟之軍赴湯蹈火然後揚兵耀武示之以威則  
師旅以貞夷狄柔服惠懷無戰其在於茲若但行以秋霜  
之嚴而無時雨之澤不計而動離怨在心驅以合敵貪以  
取敗旣輕有生之命求幸白刃之中使天威挫劔者臣竊

恨焉易曰差之毫釐繆以千里此之謂也臣以不才展効  
州郡每懷報國屢上微言神龍二年進狀論沙場喪敗開  
元四載投醜言降戶得失鑿駕西幸又於河中府上表并  
進柔遠論一首而才微理拙不蒙顧問制問曰何經何歷  
敢不盡言臣識淺才微罔知攸據至若昇壇之拜推轂之  
寵豈可一策所能及愚臣暗昧不足以當之俯伏惶恐若  
履氷谷謹對

同前

張仲宣

對臣聞玉弩垂芒耀明威於紫緯金方戒序凝殺氣於丹  
霄然則負宸登樞規七衡而立辟垂旒御辦法四選以詳  
刑是故黃運披圖靜妖氛於涿鹿丹陵啓業耀佳兵於洞  
庭伏惟陛下陟上帝之耿命順下人之樂推總不測之謂  
神包混成而爲道然後運天地日月以臨之洩雷雨水火  
以育之宣道德仁義以綏之張禮樂刑政以肅之然則宿  
離無忒天清也海外無波地平也左學上庠文明也保大  
定功武威也由是東西沉潜朔南浹洽草木咸若昆蟲無  
夭猶且日慎一日雖休勿休俯徇謙光循易象之明義降  
詢得失追漢策之高蹤所以廣訪芻蕘旁求道路臣戎旃  
賤伍樗散陋容策蹇以忘疲勵弱而知倦猥茲庸菲充賦  
闕庭奉詔慙惶啓處無地所冀齊庭設炬九九之術先收  
燕館初開先尊郭隗而已敢緣斯議庶竭丹誠制策曰思  
謀臣以制敵折衝於樽俎索名將以持邊降伏於戎寇行

何法也得致斯人哉臣聞晉謀元帥漢召材官必資悅禮  
之英咸選良家之子誠請秋風授律吉日拜將收不疑之  
十計問子明之五策賞必以功罰必以信則良將斯至矣  
大功可舉矣制策曰兵法有五十三家且分其四種臣聞  
習手足便器械積慮關具攻守伎巧之兵也權德刑隨斗  
繫因五勝解鬼神陰陽之兵也雷動風舉後發先至離合  
向背而應變無常形會之兵也守正而用奇詐形而計戰  
兼伎巧包陰陽一作謀權宜之兵也然後憤之以仁義信之  
以賞罰以我直而權其曲以我智而薄其愚以我和而制  
其離以我治而乘其亂故雖孫吳再生亦不知為敵人計  
矣制策曰漢臣有二十八將自比夫幾人臣聞漢有二十

八將者上應二十八宿也或以文雅光國鄧禹有決勝之  
奇或以武能威人吳漢有綏邊之畧功論樹下馮異之績  
彌彰水結河中王霸之誠尤著臣以卑賤夙無器業竊循  
運合聖恩不次得參賢俊之末安敢自強而比哉清問猥  
及臣當萬死制策曰景畧可逮於孔明張遼得齊於關羽  
斛律光賀若弼近代之用誰優臣聞景畧之功也孔明之  
績也張遼之謀也關羽之烈也斛律光之勇也賀若弼之  
畧也廣論之則耀靈不駐畧談之又書不盡言景畧之佐  
秦堅纔騁如熊之捷孔明之匡一作輔蜀主克著卧龍之名  
張遼運籌之方可以歸之於先執關羽舉旗之効可以論  
之於後塵賀若弼之破陳軍功先諸將斛律光之扶齊國

名劣衆人以次而言斷可知矣制策曰我李勣與李靖之  
 功誰最者臣聞李勣者智也仁也勇也嚴也躬教可以圖  
 始心教可以保衆自伐三韓克清元族所以東夷之人不  
 敢西向也至於李靖者安可同年而語哉大征北狄詎見  
 絕其餘氛授鉞南蠻寧見殄其遺寇所以蠻胡猾夏邊鄙  
 亟聳者良由此也制策曰邛南一方之地磧西萬里之域  
 將棄之以促境寧守之以勞人鎮涼州至於流沙軍隴坂  
 至于積石險阻要害予疑汝明秦中歲役於防水若爲釐  
 革代北年疲於禦塞奚所變通薊門屯田何術以休其弊  
 抑城梗澁何籌以繫其虜凡此邊庭身今爲重鎮何經何見  
 何履何歷臣聞膜拜一作曉邦東憬裔旣崇於弔伐昧谷

一作曉邦東

憬裔旣崇於弔伐昧谷

遐方實資於鎮撫薇亦柔止猶聞遣戍之詩瓜時在期尚  
 起踐要之役今欲明守邊之術開斥地之制緬惟經筭俯  
 訪芻蕘諛聞鄙術何足以觀之夫先王馭道也必專其邊  
 守疆以戎索恃吾有以備懷其所以來招携以禮懷遠以  
 德今丸山在境猶發渡遼之師葱河卷綬仍開拜井之屯  
 勞人遠役其何以哉若乃務廣其土以疲其人宿兵於無  
 用之地勞師於不禦之俗聖王之道未足前聞制策曰若  
 兵不獲已用何良謀貞我師旅使有征無戰必文可來之  
 施何異政柔彼夷狄使懷惠畏威臣聞季梁在隨楚朝罷  
 議仲尼居衛晉國折謀語曰死諸葛走生仲達陛下誠然  
 德音發於帷帳清風翔於無外大啓爵命以示四方拔將

選才各盡其用急善同於饑渴用人疾於應響杜邪佞之  
門廢鄭衛之樂混淆六合寔由乎此雖西有不羈之寇北  
有不賓之虜征之則勞師待之則無益故班固曰有其田  
而不可耕而食得其人不可臣而藩來則懲而禦之去則  
備而守之蓋懷惠畏威也但以日暮途遠汲深綆短文不  
逮意書何盡言謹對

校正四十二字

十六日

文苑英華卷第四百七十八

文苑英華卷第四百七十九

策三

文苑英華不顧徇節寧邦策三道

文苑英華可以經邦國策三道

長才廣度沈迹下僚策一道

應臨難不顧徇節寧邦科策

長壽三年

第一道

問若濟巨川必憑舟楫之勢將興大厦實佇藥樞之材聖

皇提象膺符順天革命變澆風於易簡濟一作薄俗於醇

醲未明求衣昃旰忘食無遺庖一作擗不棄芻蕘聞逆耳

之言欣一作然落齒聽犯鱗之說假以溫顏緬懷六一作

聖之規勞求五臣之俊至如臨難不顧知無不為獻替惟

幄匡過補缺爰泊御命之流並應搜揚之旨子大夫傳古  
強學見賢思齊一善或同一作咸千載相遇肇自魏漢以  
及梁陳若斯之人者一無布在方策宜具載一作年代各  
叙微猷無憚米鹽用旌多識 一作皆唐登科記

對策

周禮以賢制爵以庸制祿 此篇第五行不應倒用恐誤

薛稷

對曰后克艱厥后臣克艱厥臣是群龍無首虛已明庭之  
上鼯鼠全身深穴神丘之下故有勞於一饋不輟子高之  
耕待以三旌無過屠羊之肆懷乎朽馭一作慄既識為君  
之難踟此春米未見為臣之易然而憂弼降佐風起雲從  
其天祐之俊又將至當今制賢以祿制爵以庸設言不違  
式化厥訓霸王駢翼天駟而齊衡社稷元龜升帝寶而

負兆猶是幽芳在採雲逸來鶴垂倒景之懸光燭重泉之  
沉隱故遠臣得離山草比獻野芹瞻望天臺數跡對曰帝  
德廣運六臣參其業天道大明五帝陳其序猶黼黻之章  
五色昇萬之飴五味五靈之効禎祥五音之和雅樂若乃  
同義變力古人中求則紀信誑項以免君王經刎頸以紓  
國九鄉君府王脩從赴難之義二國合園路中無返言之  
失漢帝之憚汲黯陳主之畏柳莊社稷之臣於是乎在恪  
居爾位勤不告勞則蕭公堂堂吳漢糾糾馮豹伏於閣下  
黃公宿於臺上憂公奉國可以不謂忠乎書誠面從詩詠  
司直犯顏無隱求福不回周昌之比漢高同乎桀紂劉毅  
之方晉武類彼桓靈申屠剛之軻車鍾離意之排閤史魚

是慕直在其中聖人謨議君子謀道張良之翼漢王郭嘉  
一作之協魏主宋武之得穆之齊高之得褚彥定策決勝  
謀夫孔多蓬矢桑弧有志四海飛旌揮羽道好二同膠柱  
豈調絃之術飲水實將命之難陸賈南行責蠻夷之失禮  
陳湯西討誅單于之暴慢終令趙佗貢職鄧支傳首竹帛  
所載斯其庶乎謹對

第二道

問自周星攢耀漢日通輝象教聿興苾蒭鬱起眷茲和衆  
因果為先伊此法門棟梁攸屬我皇光膺天授託降閻浮  
弘八解之要津啓四禪之幽鍵濟含生於彼岸證圓果於  
中大緝宇巍巍緇徒翼翼莫不譽高澄什聲重安遠振三

纒於辨圓悟兩諦於談筵飛錫煙蒸乘杯霧委蘭艾因而  
或操玉石由是難甄迹雖選於玄關名乃編於白屋若欲  
令沙汰促以金科將恐乖智海之弘規匪提河之遺範然  
則經行之所在釋氏而含容朱紫分區談王化而期切弛  
一作張之術去就何從

對策

前人

對曰竊惟善本無生茲緣常寂捨身捨智涅槃之行可觀  
不動不定般若之名已立尊容聖質剖碧玉而恒傳寶相  
靈模鏤紫金而尚在蓮二儀而廻掌巍乎寶力極萬物之  
濡足皇矣能仁是以付受有歸鬱興尊記知來之鑒遠明  
於萬劫祚聖之符大啓於九部始則江漢廣被終以關河



積學由是名僧輩出贊衆肩降道行息於顧澄什而服侶  
戒梵禪結視安遠而俯孩雖葱嶺茄藍涉流沙而西極白  
木聚落浮漲海而東馳聖教之興爲期爲感此句但敬重  
堅固有悲忍之大權循習護持有煩惱之深淺物情以之  
勤切俗慕由是懇到苟求利養或滋貪濁濫名竊服行偽  
學非魚目叨珍遂入摩尼之寶烏鵲借類便假伽藍之翼  
謂宜宥而勿罰限其自新卷迹緇林之遊反服白衣之役  
則慙一作愚受智寬令四飛辨是决嫌浮食一變九色揚  
翰不謬於楚雞六管流聲豈混於齊士庶人無量在釋典  
而雖弘出家有限憑國經而必恪維摩之入諸必疑作藏  
尚爲居士之身菩薩之惠其神通由持在家之誠未虧平

等何妨一作方慎擇謹對

第三道

問神農王一無王字曰金城千里湯池百步而無粟者不一作弗

能守也然則師出以律咸資於糗糧兵雖尚奇必藉於流  
衍皇周八紘有截四海無虞折衝樽俎之間旅軍衽席之  
上而吐蕃小醜時擾於沙場默發遺克偷生於玉塞由是  
任以精卒寄以邊陲車徒置騎實賴防禦飛芻運粟輓轉  
之弊一作飛芻輓尤深疆理屯田播植之功難就欲使人  
無憂於半菽歲有積於如坻強國富甿佇聆良策一作皆唐登科記

對策

前人

對曰持人之術地著爲本應敵之道糗糧爲先故李悝盡

地力而創謀本能強魏衛鞅開阡陌而急戰終以霸秦當  
今三攘既平九稅有職倉廩陳積程結充仞山川効止而  
咸叙陰陽感化而致和徭戎黠羗不討之日久矣天有星  
象以分其區地有山河以致其險素野遐曠玄國寒涼塞  
下三春未辨重重之樹河邊九月已落青青之草我后惻  
隱巖廊之下垂拱衽席之上聖智備天地神武動山岳悠  
然遠覽白露涼秋建日月朱鳥之旗樹風雨蒼牛之艷疑  
將帥良猛謀慮深長猶重息人未脩伐鬼而犬羊無檢時  
驚邊柝定遠侯之功畧還出玉門戍校尉之七營更連金  
郡麻奴小醜敢懷凌斥之心榆鬼殘祆仍延晷刻之命結  
山豪而嘯聚驅穀馬而陸梁百萬之師糗糧易盡空虛之

地轉餉難集良可追蹤墾草取彼大田脩充國之舊圖採  
威明之遠策將軍素勵爰興斷河之術都尉垂疑強畢盡通  
溝之利舉農夫而休戰士息轉輸而用耕牛智効其謀勇  
奮其力資虜金之如粟籍邊馬之如羊賞士犒師選騎館  
穀或休垣罷障城滅途殫然後坐鳳凰之臺驗麒麟之頁  
王旅凱入豈不休哉清問徒訓疑危言每竭短才杼軸景  
夕貽憂謹對

文可以經國策景雲二年

問三雄并立四海瓜分魏氏獨跨于中原孫劉割據于南  
土五勝更襲唯受命以當塗四大居尊成仗義而稱帝二  
十八宿指躔次於何方三十六部列封疆於何所醇化懿

綱非無寬猛之規愛國治人自有弛張之度皇皇祖考並建鴻名眇眇子孫俱聞失德為功業之厚薄而存亡之後先至如獻納忠規縱橫武節既自方於樂毅或見比於張良各有其人詳諸史傳所行事迹咸請縷陳

對策

晁良貞

對曰漢代崩離三光分景齊暈析九土殊方權備割據於岷吳輔丕纂圖於冀充火行土德則有攸歸紫色蛙聲豈無兼峙策曰二十八宿指躔次於何方三十六郡列封疆於何所至若畢昴為大魏之郊井絡應庸蜀之分星紀真奎吳之野婺女寄虛越之精此其纏次也至若常山鉅鹿孟德之設教會稽豫章文臺之建國考廣漢犍為之地

此四句用晉書五行志譙周之說

實夜朗玄德之邦星土之殊於是乎在策曰醇化懿綱非無寬猛之規愛國活人自有弛張之度皇皇祖考並建鴻名眇眇子孫俱聞失德為功業之厚薄而存亡之後先者且夫天命不謫帝圖難僭劉既備矣當禪與人此乃事本於元符何止功殊於厚薄祚窮安樂不亦宜哉至於魏主以雄猜之姿虎噬河朔吳王以英威之畧鳳起江南欺狐有言貽譏於石勒今圖發論見稱於陸機蜀滅於前吳亡於後物之理也夫何足疑策曰至如獻納忠規縱橫武節既自方於樂毅或見比於張良各有其人詳諸史傳所行事迹咸請縷陳者山川出雲贊豪擇木英英文若見比於留侯桓桓孔明自方於昌國聞九錫而殊議節表純臣荷

三顧而知恩身歸與主命畢空器不其惜哉威餘返旗蓋亦奇矣大者遠者斯焉取斯謹對

同前

鄭少徵 第二人

對漢氏失德魏圖爰啓孫劉建號唇齒相依咸能廓帝緒以定業振皇綱而握紀雖數有五勝運鍾當塗而土無二王終殊霸業然則封疆畫界俯稽於地理瞻星揆景仰煥於天文東井發曜於梁岷傍分屬漢南斗連輝於吳會遠接荆衡詳魏土之分野當畢昴之躔次伊洛列山川之郡曹公居四隩之中毗陵在吳華陽惟蜀疆里所得其在茲乎至於開國基行政令咸垂統履順承傳來葉創業興緒克昌後昆終數代而一何倫比雖鴻名休德將崇貽厥之

謀而繼代守又頗著聿脩之美是以堂構始於祖考功業由於厚薄尊卑因其子孫存亡以之先後至於忠規動俗武節冠時異代齊名孔明自方於樂毅死而可作文若偶比於張良懷獨見之明既一謀於匡濟行闇合之策終不謝於孫吳謹備諸前庶幾萬一謹對

同前

雍惟良

對天命靡常地變其宗三雄昇擡分割乾坤或利近江海銀銅之湊或邑居河洛桑梓之餘用能仗風雲采松竹開物成務廣運靖人至如仰緯星躔傍分列郡成都應乎井絡建鄴開於斗牛若乃發跡譙墟圖光畢昴竟能一紫宙之意兆黃精之符然而物運弛張得失成敗此關諸天意

也諒非人事也豈功業之厚薄何存亡之先後長想前修  
載述古跡且爲人臣者善指事之要專切直之言然則荀  
氏之比張良沉機已迅葛侯之方樂毅希古自高俱能明  
允克誠興光大化代收其器人獻其謀觀國以取肅軍容  
退惡以力扶王室其理甚博厥美推先畫爲九州時更七  
代徒勤短思有媿縷陳謹對

長才廣度沉迷下僚策證聖元年

問四岳疇庸羲和代掌其任九官命職稷禹不易其能逢  
化文以庸一作康時籍功深而成務洎乎羸劉以降曹馬承  
流罕爲官以擇人直循資而就列或十旬而登三事或一  
日而致九遷遂開趨競之門莫守代工之美國家網羅群

一作舊位

彥驅駕時英其政治於至和其人淳於太古今欲削漢魏  
之遺法復堯禹之遠圖能其事者永守其官稱其職者不  
遷其任增秩賜爵用申勸善之規金帛璽書載表優賢之  
義變通之理尚或多端用捨之途佇聞良筭一作策

一作皆唐登科記

對策

張倚登科記作倚

對昔者明王之御天下也奉若天道建邦設都樹之賢才之以后  
王化之以師長用人弗及私昵建官惟在賢才夫難知非  
獨在於今日故曰知人則哲惟帝難之自生人以來有國  
之主莫不得賢則治失賢則亂此乃自然之義百王不能  
易也是知賢人君子國之所急詩曰南山有臺北山有萊

樂只君子邦家之基言人君得其賢臣所以成其美化廣其基業也遐觀歷代聖王之求賢哲也義匪一途或精選以取之或降訪以得之有營之經載而始獲有求之不日而便至遲速之理雖異輔弼之職不殊黃帝勞於夢想而感力牧誠之至也唐堯務於疇咨而致夔龍訪之審也至虞舜唐虞之黜陟幽明三考就績夏禹之顧眎空谷之起成名殷宗託壽於傅巖姬文遊心於渭水此六君者可謂勤於求賢而善於用人也故能使元凱就績申甫登朝道濟五臣功宣十亂康良作誦喜起成歌人無險詖之情代有雍熙之樂由庚入詠天保為詩下懷報主之心上荷受天之祿書曰百工師師百工惟時庶績其凝此之謂也斯並政

齊大道理合至公委質能臣之一德所以天工可代人爵攸宜憑久化以濟寰瀛藉深功而安宇宙暨戰國之代王道寢微各佇英賢或雜強或霸楚襄勞持金之聘燕昭躬擁篲之禮空聞僭號之議未覩升平之業雖桓公之有仲父晉侯之獲趙文委任責成共登霸道唯勤鬪爭之理不務淳和之績而動乖王度舉違帝典故五尺童子耻之不論况所由齷齪何其卑也秦皇不仁霄亂是極儒生填於坑井詩書滅於煙火忠貞清白以為徒苦諂佞邪媚謂之至公卒以覆亡為後代誠實由遠賢近佞使之然也漢高祖雖不好儒然亦任用英傑登壇而禮韓信輟洗而迎酈生委蕭曹以股肱寄張陳以社稷至孝武之代儒學漸該採

董仲舒之策始令郡國貢舉於是賢良方正之士霧委雲  
集其晁錯公孫弘匡衡蕭望之輩並繼踵而至故當文景  
之代號為得人詩稱濟濟多士文王以寧漢所以寧者亦  
士之力也光武仗吳鄧以立功任賈寇以起事拔奇取異  
決自於心爰至顯宗中興於茲為盛由此而歷漢之代數  
百年間陟正黜邪褒善貶惡雖不襲唐虞之法亦去煩芟  
亂幾乎大成矣逮獻靈之際姦猾縱橫升必以財進不由  
道於是縉紳絜白之士疾之若讐乃曰舉秀才不知書察  
孝廉父別居寒素清白濁如泥高第良將怯如龜至乃懸  
爵而賣之列價而爭之守正道者以為陸沉由紆徑者謂  
之智變衣冠為之失序賢哲由是潛藏遂使社稷喪亡後  
嗣覆滅悲夫此伐檀所以興刺黍苗一作麥秀所以勞歌無他  
故焉賢人不得進也及乎當塗啓運典午開基陳群制九  
品之條劉毅興八損之權故曹羲疾其闊遠孫楚以為鬼  
錄遂令權要歸於中正威福去於天朝臧否任情品藻乖  
次宋齊之季梁隋之末聘士求賢罕聞稽古棟橈鼎折唯  
見陵夷既同自鄒之譏詎勞更僕之說聖上覽百王之得  
失立萬代之規模大開舉爾之科廣陳訓迪之典用與不  
用賢否各稱其能材與不材輪栴並當其任小人去位疾  
之猶若寇讐君子盈朝求之恒如不及故得百僚無濫九  
有昇平不聞濡翼之譏永絕爛頭之誚仲長亡越級之論  
賈生無調下之悲今欲遠服堯禹之蹤近棄劉曹之法增

秩令其永任錫帛許其不遷使官不易能職遵代掌雖優  
賢之義有所會通而隨時之談或恐未可何則太古敦朴  
務靜人希敦朴則易淳務靜人希則易理故不勞而功可  
就今聖明撫運才多俗阜俗阜則事煩才多則理劇必資  
明哲獨任不以避嫌但使委得其人數遷何妨化理如其  
用失其理久任豈廢功虧愚管所窺以為如此大體期於  
不濫所務在於得賢苟違此途未知其可謹對

校正一百三十字今日秋風振厲天宇清肅 十六日記

文苑英華卷第四百七十九

策四

文苑英華卷第四百八十

沈謀賢良方正科策二道

沈謀秘畧科策三道

賢良方正科策神龍二年

問妙盡黃間期於一作百發術該一作玄女寧無七縱聲

苟中律不憚撞鍾之求服必稱儒何辭解衣之試况今徵

上意匠辜秀談叢臯鸞即事於分區牛驥佇從於別阜謂

其凌厲顧盼以雪陳琳之耻一作陳侯之疑何乃罔敞遷延不答

馬卿之難豈時英所病共設於程醮將高尚在懷不屈於

周黨薦舉之法抑有多途取捨之方莫能拆衷何則含光

隱迹不盜處士之名介立寡徒安獲知己之薦舉逸之法



應有通規取捨之言非為一作無盡善文武之道方冊所不

墜德怨之報人情之大綱射為諸侯杜預無穿札之力士

為知己崔洪有挽弓一作弩之悔相圃澤宮失之遠矣子皮

鮑叔夫何言哉一作夫舉賢受賞非才有罰國柄一作秉所

加期乎必當驗之從政効無限斷之年試以一作之文才智

有遲速之別知而不舉聞譏竊位舉而非一作非其人寧當顯

戮滅孫之犯既是虛刑子文之辜復當何典內外齊舉援

親豈不致嫌師錫具陳行慶又誰為首凡此岐路罔識攸

從遲冀如律或作知津弘其利涉

此題四百七十二卷重出前已削去注意同為一作

對策 蘇晉

對物以類昇方以類降故小大趨捨未始離乎類也所謂

同聲相應同氣相求雲從龍風從虎武當作時其效歟矧惟

生人懷五常含好惡自然之勢也安可處非其類乎斯固

士君子砥行立名伸首抗迹思欲奮迅泥滓凌邁雲漢與

鸞鳳為伍矣豈不能折其鋒沮其目誠謂類有聚群有分

下流不可久居且無其時猶欲干進之若此况乎師曠傾

耳卞氏拭目將欲察異音求竒彩苟有留者誰肯遷延於

解衣之試哉策曰薦舉之法抑有多途取捨之方莫能折

衷何則含光隱迹不盜處士之名介立寡徒安獲知己之

薦舉逸之法應有通規取捨之言非無盡善者夫人洪疑

然則淵其心飾其狀不可知以貌不可窮以言將為辨者

不可也求乎其端或有可知矣夫天之巖乎其土者施人以氣地之坎乎其下者成人以形高下之間不可逃者形氣而已矣氣之積者彰乎形形之動者感乎物彰於形故可以象察感於物故可以類求察其象長短之材可量矣求其類邪正之氣可識矣雖則含光隱迹介立不群終不能以形逃不能以氣隱明矣子曰視其所以觀其所由察其所安人焉廋哉人焉廋哉古聖王之觀人也未嘗越於是取捨之言非不盡善也但夫懷詐飾偽舉世有之干祿者不盡善舉人者不盡智或以勢逼或以利與觀象察言以難其識附威籍利一作諛媚其心有於此者則取捨之方何所施矣嗚呼負魚登山誠難事也策曰文武之道方

冊所不墜德怨之報人情之大綱射為諸侯杜預無穿札之力士為知己崔洪有挽弓之悔相圃澤宮失之遠矣子皮鮑叔夫何有哉夫射者先王所以定人之心和人之志亦以示其威儀耳以為諸侯分我茅土育我黎蒸撫有威衛持秉生殺當審心定志敷德遵和故為其立飲射之法以導達其志不在穿札貫的矣子曰射不主皮即其義也則大麗龜貫石者將武夫之伎耳非不侮鰥寡保其社稷之業夫有大功者獲大賞異哉當陽誠無間然矣古之君子冠業帶而立於朝則必有益於時矣以為益時者莫先於進賢苟得其人則沒齒無怨矣又何可顧望默識乎子曰定其交而後求夫古之人定其交者將弘濟時務克清世

文苑英華 卷之四

射

幾恐夫道不吾行才為時棄是用定其交求其達豈徒跼  
 促存於情之所好哉若以情之所好相求則是便僻比周  
 之人豈得為文雅君子乎崔侯必不以換弓為悔假使子  
 皮薦國產叔牙舉夷吾終不能光興鄭邦匡合齊社亦未  
 足以紛昭載籍矣策曰舉賢受賞非才有罰國柄所加期  
 乎必當驗之從政效無限斷之年試以文本智有遲速之  
 別知而不舉聞譏竊位舉非其人寧當顯戮滅孫之犯既  
 是虛刑子文之辜復當何典內外齊舉接親豈不致嫌師  
 錫具陳行慶又誰為首夫天之平分萬物體不俱舉有其  
 才疑者童其首揮其翼者兩其足德不必備才難盡善其  
 人善於政者不必有其文工於詞者不必敏其事書曰無  
 求備於一人詳矣先王堦其曲直任之事宜物各有所長  
 工拙不相害矣故書曰明試以言車服以庸則堯試其人  
 以官備在方冊矣夫政有序化有漸時有險夷功有隱顯  
 為政者當責其歲晚不可中道而廢也施政立德不過乎  
 三年人情大可見也孔子曰朞月而化成書曰三載考績  
 何得無限斷之年歟夫文者貴其能書理論四字疑宣道其  
 業非得意之實乃無意之筌歟夫傳曰言以足志文以足  
 言又曰非文無以自達苟欲考之文詞求之遲速則志有  
 可得在政斯亨言之無文用亦何害且夫官爵者至公之  
 器也薦賢者至公之道也君子持至公之道守至公之器  
 進思盡忠何可回隱復俛薦嫌疑親讐之間哉昔者先王

文苑英華 卷一百四十五

甲

卷

之立制進賢受上賞蔽賢蒙顯戮舉非其實寘其阿黨之  
誅薦得其人介以彙征之賞行慶之典不偏于師錫矣時  
理則德存世亂則道喪難乎魯無君子楚不足徵使子文  
安居臧氏無咎痛哉政不難矣不有仲尼為賈之喻千載  
之後何知其過焉謹對

詞前  
大賢良方正科第一道

問朕聞處域中之大據天下之圖莫不設簾以思賢解琴  
而願化雖君唱臣和而明鮮晦多所任者或非其所行  
者儻乖其道歸於浸弊罔弗由茲朕寅畏上玄負荷先構  
靜言為國有若涉川風俗未淳政教一作猶鬱黎元寡遂  
鸞鳳不臻當佇永懷良深愧歎子大夫講聖人之高議以  
王事之大綱蓄憤謀忠歷年載矣何施而反本於古何用  
而救末於今何術而人物阜安何德而神靈滋液爾其無  
隱無忽悉之究之通其條貫朕當親覽

對策

斛律齊總目作濟

對臣聞聖人法天而理察道而行心膂俊賢子惠黎獻使  
恭爾位人樂其業朝無疵政俗詠康哉書曰惟天聰明惟  
聖時憲惟臣欽若惟人從乂此其謂也雖根英異轍火木  
殊途革去故而聿就新變咸池而歌大夏然而無易茲典  
其故何哉蓋以因天人之和順陰陽之數不可替也皇上  
道高西聖德邁南薰黃龍薦圖翠鳳為寶至於膺正曆享  
靈符朗七曜於銅儀安萬人於寶曆延祥降福陟酌疑登

封八表黎元歌皇風而周地絡四夷酋長頌玄化而建天  
 綱此皆以刻於玉版載於金匱為帝者之祖宗與乾元而  
 始終至於坐衢室端冕旒寂然不動感而遂通赫赫明明  
 之美無聲無臭之化固以榮竟宇宙發揚神人振古以來  
 未有如斯之盛矣猶復寅畏上帝憂念下人思<sub>返</sub>朴於鶉  
 居佇遷訛於鴻古夕惕勤止良以<sub>一作</sub>深焉爰降綸言俯  
 詢輿議此陛下冲謙之道也愚臣何足以知之然而忝跡  
 明時敢忘披露臣聞帝王之道藉英彥以張風邦國之圖  
 資謨明以垂化故能庶徵有序美政無虧當今制禮作樂  
 懸章布憲可謂文物大備形政中和而紫宸弘卷舒之風  
 黔首罕阜安之業者良以官僚空曠守宰荒寧不能宣裕  
 皇明沈蒸徒之耳目發揮神化變澆薄於閭閻夫遷物化  
 人著誠去偽豈惟君上之道實亦官聯之職故文翁好儒  
 蜀學比於齊魯毛玠崇質魏士素其裘裳是知易俗移風  
 使天下迴心而嚮道者非俗吏之所能為也故董生云黎  
 人未濟皆吏<sub>長</sub>不明使至於此也賈誼亦云下之有過吏之  
 罪也夫聞伯夷之風者貪夫以廉見柳下之跡者鄙人能  
 恭故曰教人莫若垂範垂範必仰良材阜俗莫若興農興  
 農必由循吏且擇賢而處其弊猶濫負乘為政何以克堪  
 今若選英傑<sub>後</sub>而實百僚自朝廷而及州縣咸令法易簡之  
 道慎德刑之教賞以春夏慎其濫矣罰以秋冬敬其刑矣  
 夫賞刑中則庶人安庶人安則財用足財用足則百志<sub>成</sub>

百志誠則天人和天人相則神靈滋液矣然後垂訓而理  
勤法而行宣九式以均財脩六禮以節性明七教以興德  
齊八政以興邦道格元亨風還太古時雍之相可致濟俗  
之義可弘唐虞之美可逾文景之聲可越謹對

沈謀秘畧科策

第一道

問西自臨洮東泊滄海延袤萬里控扼三邊林胡不賓犬  
戎猶梗守之衝要備其窺窬聚多則戍卒不克布少則敵  
人莫禦用捨之理揚摧而言立鎮屯兵其來非久懸道分  
列自昔猶安李牧守邊匈奴竄伏魏尚為郡郊壘又寧今  
欲悉罷軍城委之牧宰敬達嘉話將獻吾君

一作  
底

對策

王昂

對昔者大刑甲兵陳諸原野次刑鞭朴致之市朝將以閑  
邪防淫禁暴禦亂乃觀千古茲率厥常我后光膺寶命誕  
敷文德建皇王之中協時雍之化聲教遠洎無思不治猶  
恐至道未孚邊亭或聳爰招集謀畫之士議諸疆塞之虞  
斯誠居安慮危之深策也顧以蒙陋庶能無聞將何以副  
浞秘之求奉對揚之列恭承清問敢不薦其聞矣臣聞夫  
為國之道必在任賢保境之方必先擇將國家授武秩設  
邊防東自榆林西連蒲海可謂制度秘遠典章大備而猶  
以遼靄未清湟烽或照者但未得其人耳今若垂旌揚之  
期崇獎激之道用不求備任惟其材舉吳起則捨其貪推

穰直則畧其賤務升智術勿限資年則將得其人矣既得其衆必能撫其人必能盡其力將得其材以之東鎮則林胡清以之西征則犬戎息何憂乎制禦之不足多少之為患也若乃布化宣威實資牧宰守全保固亦在城池則知牧者邦國之先而疆場之主也疆場無主則啓戎心戎心之生人慢其政國之患也今者選建良牧委之臨人脩緝軍城足以禦敵則可以捍我中宇緩彼邊氓何以廢城然後為得謹對

第三道

問用兵制敵先資良將搜奇掇異昔賢病諸厚貌深情最為難辨受金善盜終而有益至如清言要理行之則違強力暗通口不宣意臨問定職何以分之李將軍簡易便人程不識刀斗嚴衛張飛勤於禮士關羽接於常流四子所施幸甄優劣兩適為用何斯短長今邊烽未亡善將懸急試可淹於歲月拔萃昧於玄黃子其直言以祛未悟且三全五事十過九差何所廢興何所施用理國之貴何首愛人之道何為各書名數佇濟邦國

對策

前人

對登壇分闡之傑行已應物之際顧雖愚蒙嘗聞之矣莫不蹈仁履義以脩其身奉公滅私以樹其政但人無求備用各有宜十哲分科八能殊術吳漢則訥於詞理衛玠則善於清言今若取陳平之謀須捨盜金之行用杜預之智

一作有時而益

孟德二句有誤

豈資穿札之能雖厚貌深情古人所病而收長棄短先達  
 格言伏願徵之以九徵求之於五德甄其操履行以智謀  
 雖言貌難分而華實不昧擇能而用斯則可矣亦何憂良  
 材之採掇官職之不分者哉夫簡以臨人嚴以應物嚴則  
 勞而後濟簡則逸而能通勞逸既殊得失斯在孟德擇士  
 而禮雲長接於常流為道不廣固宜劣於張飛出門重禮  
 誠合優乎關羽各隨時而任用夫何擇於先後當今邊隅  
 尚警征役未息必資良將方立奇功若拾奇傭保之中拔  
 異淪滯之位則玄黃可辨衛霍斯在夫兵之術語聖人所  
 止後代故作譎書以寄勝於天道也故曰天地鬼神視之  
 而不見聽之而不聞指虛無之形不足以制勝故人存而

不務也則知吉凶之兆盡在乎人今若任皓皓之良收斷  
 斷之善使明法審令貴功養勞則不時日而事吉不卜筮  
 而事利亦何必訪龜鈴之謀孫吳之訣然後為得哉亦敢  
 不陳其梗槩至若軍國著三全之稱天地操五事之名勇  
 急廉智將之十過也十疑之九差也理國貴於  
 仁禮義愛人在於不勞昔霍驃騎不讀兵書猶言暗合項將  
 軍素閑兵法亦歎天亡况事涉玄微藝殊經誥豈伊蒙淺  
 所能詳哉謹對

第三道

料問科敵多途應變無算覽去病之對顧在方畧讀孔明之  
 書虞於備預至如烈風猛火煙燄赫然雨水奔流彌漫無



際脩何人事以却天時或有暴兵卒來我則未暇敵人非  
遠靜然無聞何法以知敵情何方以收我衆如其爭先不  
遠我怯須勇列軍甚嚴彼強使弱善戰不陣抑有前人未  
戰屈人佇聽嘉話四輕二重於將謀而何施三禮五才於  
兵形而何要幸存昇降曲盡所宜

對

前人

對觀夫古之良將之行兵也莫不救災恤患以和其人先  
謀後動而制其敵軍有渴而不飲軍未飯而不食舉不失  
德賞不失勞故人悅忘疲士感知死夫如是以之守則固  
以之戰則克安有不肯蹈茲烈火過彼奔流斥候素明暴  
兵安可卒至法制素習敵人何由能邇我將賈疑勇寧見

士怯我固常勝安有敵強未戰屈人謀其所以善戰不陣  
夫何遠矣至四輕二重之施三禮五才之入所用斯並事  
關幽秘理絕探求徒罄蒙襟豈酬高問謹對

文苑英華 卷第四百八十一

校正六十五字

閏月十七日

文苑英華卷第四百八十終